



Broj: 06-14-7700-6/17
Sarajevo, 13.04.2017. godine

Na osnovu čl. 64. stav 1. tačka (b), 70. st. 1, 3. i 6. Zakona o javnim nabavkama BiH („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), člana 8. stav 2. tačka (f) Pravilnika o uspostavljanju i radu komisije za nabavke („Službeni glasnik BiH“, broj 103/14), člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, Odluke o pokretanju postupka javne nabavke broj 06-14-7700/17 od 24.02.2017. godine, obavještenje o nabavci objavljeno na Portalu javnih nabavki pod brojem: 920-1-2-5-3-24/17 dana 24.02.2017. godine i u „Službenom glasniku BiH“, Tenderska dokumentacija objavljena na Portalu javnih nabavki dana 24.02.2017. godine na preporuku Komisije za javne nabavke imenovane Odlukom ministra broj: 06-14-1989/17 od 24.01.2017. godine – Preporuka broj: 06-14-7700-2/17 od 12.04.2017.godine, u postupku javne nabavke: Pružanje usluga plasmana i povrata odobrenih novčanih pozajmica za rješavanje stambenih potreba boraca – branitelja Bosne i Hercegovine za 2017. godinu, Ministar za boračka pitanja Kantona Sarajevo donosi

O D L U K U
o izboru najpovoljnijih ponuđača za
LOT 1 - Pružanje usluga plasmana i povrata odobrenih novčanih pozajmica za rješavanje
stambenih potreba boraca – branitelja Bosne i Hercegovine za 2017. godinu
OTVORENI POSTUPAK

JRJN: Lot 1 i Lot 2 – 66100000-4 – bankarske usluge
Dodatni JRJN : 66000000-0 Finansijske i usluge osiguranja

Član 1.

Prihvata se preporuka Komisije za javne nabavke, broj: 06-14-7700-2/17 od 12.04.2017. godine i ugovor za javnu nabavku za LOT 1- pružanje usluga plasmana i povrata odobrenih novčanih pozajmica za rješavanje stambenih potreba boraca – branitelja Bosne i Hercegovine dodjeljuju se ponuđaču NLB banka d.d. Sarajevo, ponuda broj: 06-14-11538/17 za ponudenu cijenu od 187.143 KM uz napomenu da se na ovu uslugu ne obračunava PDV.

Član 2.

Prijedlog ugovora o nabavci dostavit će se na potpis izabranom ponuđaču **NLB banka d.d. Sarajevo** po protoku roka od 15 dana, računajući od dana od kada su ponuđači obaviješteni o izboru najpovoljnije ponude.

Član 3.

Za izvršenje ove Odluke zadužuje se i ovlašćuje Sektor za BiZ u saradnji sa Sektorom za ekonomske poslove i projekte Ministarstva za boračka pitanja Kantona Sarajevo.





Član 4.

Ova Odluka objavit će se na web-stranici Ministarstva za boračka pitanja Kantona Sarajevo www.mbp.ks.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Član 5.

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Otvoreni postupak po predmetu javne nabavke: LOT 1 - Pružanje usluga plasmana i povrata odobrenih novčanih pozjmica za rješavanje stambenih potreba boraca – branitelja Bosne i Hercegovine za 2017. godinu pokrenut je Odlukom o pokretanju postupka broj 06-14-7700/17 od 24.02.2017. godine, obavještenje broj: 920-1-2-5-3-24/17 objavljeno na Portalu javnih nabavki dana 24.02.2017. godine.

JRJN: Lot 1 i Lot 2 – 66100000-4 – bankarske usluge

Dodatni JRJN : 66000000-0 Finansijske i usluge osiguranja

Krajnji rok za dostavljanje ponuda bio je 21.03.2017. godine do 10.00 sati.

Otvoravanje i ocjenu ponuda provela je Komisija za javne nabavke imenovana Odlukom ministra za boračka pitanja Kantona Sarajevo broj: 06-14-1989/17 od 24.01.2017. godine.

Blagovremeno su pristigle ponude slijedećih ponuđača:

1. NLB Banka d.d. Sarajevo - ponuđena cijena 187.143 KM
2. Bosna Bank International d.d. Sarajevo - ponuđena cijena 182.454.,06

Komisija je izvršila provjeru formalne ispravnosti ponuda i utvrdila da obje ponude sadrže svu traženu dokumentaciju. Prilikom utvrđivanja cijena ponude utvrđeno je da su ponude drugačije koncipirane. U ponudama su dati elementi za utvrđivanje ponude uz ukupnu vrijednost ponude koju su na osnovu svojih podataka, a prema predviđenoj visini plasmana, utvrdili ponuđači.

Dobavljač Bosna Bank International d.d. je priložio izjavu kojom izjavljuje da suštinski prihvata predložene ugovore uz napomenu da je iste potrebno usaglasiti shodno principima poslovanja Banke - islamskim principima, a što je bio slučaj i tokom ranije saradnje sa ovim Ponuđačem (radi se o terminološkom usaglašavanju bez utjecaja na suštinske elemente ugovora).

Ponuda ponuđača NLB Banka d.d. Sarajevo utvrđena je kako slijedi:

Opis usluge	Cijena bez PDV-a	Cijena sa PDV-om
1) Prijem i obrada zahtjeva u roku od 15 dana po prijemu i utvrđivanje kreditne sposobnosti lica kojem je pozajmica odobrena u skladu sa Uredbom navedenom u opisu predmeta javne nabavke, te zaključivanje pojedinačnih ugovora sa korisnicima, isplata novčane pozajmice	17,49% jednokratno	-
2) usluge knjigovodstvenog i drugog praćenja povrata pozajmice, preduzimanje mjera za redovnu i prinudnu naplatu u slučaju kašnjenja u otplati (uključujući usmena i pismena upozorenja), vođenje evidencije o povratu i prilivu sredstava i doznaka istih na račun Trezora do 10-og u	-	-





mjesecu za protekli mjesec, te mjesečno izvještavanje o stanju otplate		
Ukupna cijena: Planirana sredstva 1.070.000 KM x 17,49	187.143 KM	

Cijena sa PDV-om nije utvrđena jer se isti ne obračunava za ovakve usluge (ova banka tokom ranije saradnje nije fakturirala PDV-bila najpovoljnija 2015. godine).
 Provjerom je utvrđena ista ukupna vrijednost ponude.

Ponuda ponuđača Bosna Bank International d.d. Sarajevo utvrđena je kako slijedi:

Opis usluge	Cijena bez PDV-a	Cijena sa PDV-om
1) Prijem i obrada zahtjeva u roku od 15 dana po prijemu i utvrđivanje kreditne sposobnosti lica kojem je pozajmica odobrena u skladu sa Uredbom navedenom u opisu predmeta javne nabavke, te zaključivanje pojedinačnih ugovora sa korisnicima, isplata novčane pozajmice	2 % min 400 KM	2 % min 400 KM
2) usluge knjigovodstvenog i drugog praćenja povrata pozajmice, preduzimanje mjera za redovnu i prinudnu naplatu u slučaju kašnjenja u otplati (uključujući usmena i pismena upozorenja), vođenje evidencije o povratu i prilivu sredstava i doznaka istih na račun Trezora do 10-og u mjesecu za protekli mjesec, te mjesečno izvještavanje o stanju otplate	1,2 % p.a. na ostatak duga plaćanje mjesečno po fakturi + stvarni troškovi	1,2 % p.a. na ostatak duga plaćanje mjesečno po fakturi + stvarni troškovi
		182.454,06

Cijena sa PDV-om nije utvrđena, ali je u Obrascu za dostavljanje ponude navedeno da će se PDV obračunavati mjesečno po svakoj ispostavljenoj fakturi (ova banka tokom ranije saradnje nije fakturirala PDV na uslugu pod rednim brojem 1. a još nije fakturirala pod svoje usluge pod rednim brojem 2 - bila najpovoljnija 2016. godine).

U Obrascu za cijenu ponude, koji je Ponuđač izradio na vlastitom obrascu, došlo je do izmjene postavljenih uslovi, odnosno „mjesečno izvještavanje“ je zamijenjeno sa „kvartalno izvještavanje“. S obzirom da je Ponuđač dostavio potpisanu i ovjerenu Izjavu (Obrazac za ponudu) da u skladu sa sadržajem i zahtjevima iz tenderske dokumentacije broj: 06-14-7700/17, broj obavještenja sa portala javne nabavke 920-1-2-5-3-24/17 od 24.02.2017. godine, prihvata njene odredbe u cijelosti, bez ikakvih rezervi ili ograničenja., pretpostavljena je tehnička greška u kom smislu je od Ponuđača zatraženo pojašnjenje ponude (broj 06-14-11540/17 od 27.03.2017. godine). Ponuđač je putem telefona pojasnio nedoumice, te svojih aktom broj 032-05-2111/17-1 od 28.03.2017. godine pojasnio da se radi o tehničkoj grešci i da prihvata tražene uslove, nakon čega je nastavljena evaluacija.

S obzirom da su dati elementi za proračun provizije po pojedinačnim korisnicima, izvršen je preračun i utvrđivanje/provjera ukupne vrijednosti ponude. Za preračun su korišteni ponuđeni uslovi te broj i iznos pozajmica kako je navedeno u Obrascu za cijenu ponude (Anex 1) Tenderske dokumentacije uz pretpostvaku plasmana kompletno predviđenog iznosa na maksimalni rok od 25 godina i uz urednu otplatu od strane korisnika.

Detaljan obračun se nalazi u prilogu ove Odluke.

Uz navedene parametre dobivena je nova vrijednost ponude

Ponuđač	BBI – Bosna Bank International d.d. Sarajevo
Ponuda: pozicija 1)	2 % min 400 KM jednokratno (34x10.000 KM, 5x20.000 KM i 21x30.000 KM)
Ukupno	28.200,00
Ponuda: pozicija 2)	1,2 % p.a. na ostatak duga mjesečno+ stvarni troškovi
Ukupno	161.035,00





Sve ukupno	189.235,00
Procenat na plasirana sredstva	17,69%

S obzirom da se na ovaj način mijenja rang ponuda zataraženo je očitovanje Ponuđača te je dobiven odgovor da Ponuđač kod utvrđivanja ukupne vrijednosti nije koristio sve svoje uslove (korišten samo ukupni procenat bez obračuna po pojedinačnim plasmanim), ali da ostaje pri svojim uslovima i da neće posebno naplaćivati PDV za usluge i poslove za koje je obavezan.

S obzirom da je jedinična cijena, prema Zakonu o javnim nabavkama, odnosno tenderskoj dokumentaciji, nepromjenjiva i da se ista ne može smatrati računskom (niti tehničkom) greškom, odnosno ne može se mijenjati, vrijednost ponude je obračunata kako je navedeno.

Obje pristigle ponude su veće od procijenjene vrijednosti za LOT 1 (bez PDV-a), pri čemu su finansijske usluge prema članu 25. stav (4) Zakona o porezu na dodatnu vrijednost oslobođene obaveze plaćanje PDV-a.

Shodno članu 69. stav 2) pod e) Ugovorni organ je obavezan poništiti postupak javne nabavke u slučaju da: „cijene svih prihvatljivih ponuda znatno su veće od osiguranih sredstava za predmetnu nabavku“. S obzirom da nije precizirano šta se smatra „znatno veće“, sud o istom donosi ugovorni organ, pri čemu se u ovom slučaju radi o usluzi za koju postoji veoma mali interes bankarskog sektora, te nije realno očekivati da će se u slučaju poništenja i ponovnog raspisivanja tendera dobiti povoljnije ponude.

Na osnovu navedenog, uz konsultaciju sa ministrom kao predstavnikom ugovornog organa, Komisija je dala preporuku da se prihvati ponuda povoljnijeg ponuđača.

Na osnovu naprijed navedenog sačinjena je rang lista ocijenjenih prihvatljivih ponuda:

1. NLB Banka d.d. Sarajevo – cijena ponude 187.143 KM
2. Bosna Bank International d.d. Sarajevo – cijena ponude 189.235,00 KM

Komisija za javne nabavke, nakon ocjene ponuda, konstatovala je da je za Lot 1 najpovoljnija ponuda ponuđača NLB Banka d.d. Sarajevo sa ponudnom cijenom 187.143 KM te predložila njegov izbor.

Prema zapisnicima, preporuci i izvještaju dostavljenom od strane Komisije za javne nabavke ocijenjeno je da je postupak blagovremeno proveden, te da je izbor prvorangiranog ponuđača **NLB banka d.d. Sarajevo** izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.

Dostaviti:

1. Ponuđačima x2;
2. Evidenciji;
3. a/a.



web: <http://mbp.ks.gov.ba>

e-mail: minbopi@ks.gov.ba;

Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

